

許國英註釋

歷代名人書札註釋(一)

商務印書館發行

許國英註

歷代名人書札註釋

第一冊

商務印書館發行

例言

人類日繁交際往來之事亦日以衆言事達情書札爲重數千年來佳篇林立散見史傳及各大家文集中今詳加採擇泐爲是編

春秋之世詞令極工左傳所載如子家遺趙宣子書叔向遺子產書之類以旣列爲經概不入選

書札之名不一而足其施之上者曰奏記曰上書曰啓曰牋自敵以下曰簡曰帖曰教其上下通用曰狀其實皆書類也自來選家皆各自爲體今一概入選不復加以區別惟對揚之體宜歸奏議類者不復闌入

魏晉以上駢儷盛行多詞華典麗之作沿至唐初此風未改昌黎倡爲古文而書札之體亦爲之一變合而論之書以達意爲主自以散體爲宜而施之賀謝之作則比事屬辭駢儷之文亦不可廢今編中所列大約散體居十之七八駢體居十之二三

近人姚鼐選古文辭類纂列書說一門然說盛行於戰國至秦以後少見且說乃一時應對之詞而紀事者被以文采遂以成篇二者實屬不類今選此編凡宜入說類者概不之及

唐代風氣文人學士多上書貴公之門以求進用其中佳者頗能自樹風節然其體固已卑矣今特取其最佳者稍存一二餘則文采雖工悉從割愛

魏晉以來士大夫多方外之交相與剖析禪理鄙人於內典之書無所窺見故凡近此者不錄

詁經之語論性之文以及關於朝廷經制者非詳參諸說不能得其根要猝取讀之使人意煩今凡遇此種者不錄

是編多先與書後答書或值易代之際及名輩先後之稍懸亦有與書在後答書在前者此爲變例

是編於通書本末內有事實可考者於題下作小引一首無者闕之所有篇中之典故以及作者之姓氏里居亦不憚搜羅古訓或採取新說於篇末詳加註釋庶

減省閱者之腦力與目力而收事半功倍之效

是編起自周秦訖於明末其有清一代名人書札則別爲一編更有古今名人小簡一編凡篇幅較短者多入其中此不重出

歷代名人書札註釋卷一日錄

周秦

樂毅報燕惠王書

一

范雎獻秦昭王書

四

魯仲連遺燕將書

六

陳餘遺章邯書

九

漢

韓王信報柴將軍書

一一

薄昭與淮南厲王書

一二

枚乘奏吳王書

一五

枚乘上書重諫吳王

一七

司馬遷報任安書

二〇

李陵答蘇武書·····	二九
楊惲報孫會宗書·····	三四
王生遺蓋寬饒書·····	三六
劉歆移讓太常博士書·····	三七
朱浮與彭寵書·····	四一
馬援誡兄子嚴敦書·····	四四
馮衍奏記鄧禹·····	四五
崔駰與竇憲書·····	四八
李固與黃瓊書·····	五〇
魏武帝與王粲書·····	五二
孔融論盛孝章書·····	五三
阮瑀爲曹公與孫權書·····	五五
陳琳爲曹洪與魏文帝書·····	六一

三國

魏文帝與吳質書·····	六五
曹植與楊德祖書·····	六七
曹植與吳季重書·····	七〇
吳質答魏太子牋·····	七二
吳質在元城與魏太子牋·····	七四
吳質答東阿王書·····	七六
應璩與侍郎曹長思書·····	七八
應璩與從弟君苗君胄書·····	八〇
楊修答臨淄侯書·····	八二
嵇康與山巨源絕交書·····	八四
孫楚爲石苞與孫皓書·····	九〇
趙至與嵇茂齊書·····	九五

阮籍奏記詣蔣公……………九八

晉

陸雲答車茂安書……………一〇〇

盧諶贈劉琨書……………一〇二

劉琨答盧諶書……………一〇四

王羲之遺殷浩書……………一〇五

王羲之與會稽王牋……………一〇七

陶潛與子儼等疏……………一〇九

南北朝

邱遲與陳伯之書……………一一二

謝朓拜中軍記室辭隋王牋……………一一五

沈約答樂藹書……………一一七

沈約報王筠書……………一一八

任昉與沈約書……………一一九

任昉到大司馬記室牋……………一二〇

任昉上蕭太傅固辭奪禮啓……………一二一

江淹獄中上建平王書……………一二二

江淹與交友論隱書……………一二六

鮑照登大雷岸與妹書……………一二八

昭明太子答湘東王求文集及詩苑英華啓……………一三一

王僧孺與何炯書……………一三三

梁簡文帝答湘東王和受試詩啓……………一三九

吳均與朱元思書……………一四二

徐陵爲貞陽侯重答王太尉書……………一四三

陳後主與詹事江總書……………一四五

劉峻與宋玉山元思書……………一四六

劉潛北使還與永豐侯書·····	一四八
-----------------	-----

歷代名人書札註釋卷一

周秦

樂毅報燕惠王書

初燕爲齊滅、燕昭王以毅爲將、大破齊、下七十餘城、惟莒卽墨未下、及昭王薨、惠王立信左右之言、謂毅養敵自重、使騎劫代之、毅亡奔趙、齊田單大敗燕兵、齊地盡復、惠王大悔、又恐趙乘其敗、圖之、乃使人數毅之罪、且謝之、毅以書報、

臣不佞。不能奉承王命以順左右之心。恐傷先王之明。有害足下之義。故遁逃走趙。今足下使人數之以罪。臣恐侍御者不察先王之所以畜幸臣之理。又不白臣之所以事先王之心。故敢以書對。臣聞賢聖之君。不以祿私親。其功多者賞之。其能當者處之。故察能而授官者。成功之君也。論行而結交者。立名之士也。臣竊觀

先王之舉也。見有高世主之心。故假節於魏。以身得察於燕。先王過舉。廁之賓客之中。立之羣臣之上。不謀父兄。以爲亞卿。臣竊不自知。自以爲奉命承教。可幸無罪。故受令而不辭。先王命之曰。我有積怨深怒於齊。不量輕弱。而欲以齊爲事。臣曰。夫齊霸國之餘業。而最勝之遺事也。練於兵甲。習於戰攻。王若欲伐之。必與天下圖之。與天下圖之。莫若結於趙。且又淮北宋地。楚魏之所欲也。趙若許而約四國攻之。齊可大破也。先王以爲然。具符節。南使臣於趙。顧反命。起兵擊齊。以天之道。先王之靈。河北之地。隨先王而舉之。濟上之軍。受命擊齊。大敗齊人。輕卒銳兵。長驅至國。齊王遁而走莒。僅以身免。珠玉財寶。車甲珍器。盡收入於燕。齊器設於寧臺。大呂陳於元英。故鼎反乎磨室。薊邱之植。植於汶篁。自五伯已來。功未有及先王者也。先王以爲慊於志。故裂地而封之。使得比小國諸侯。臣竊不自知。自以爲奉令承教。可幸無罪。是以受命不辭。臣聞聖賢之君。功立而不廢。故著於春秋。蚤知之士。名成而不毀。故稱於後世。若先王之報怨雪恥。夷萬乘之彊國。收八百歲之蓄積。及至棄羣臣之日。餘教未衰。執政任事之臣。修法令。慎庶孽。施及

乎萌隸皆可以教後世臣聞之善作者不必善成善始者不必善終昔伍子胥說聽於闔閭而吳王遠迹至郢夫差弗是也賜之鴟夷而浮之江吳王不寤先論之可以立功故沈子胥而不悔子胥不蚤見主之不同量是以至於入江而不化夫免身立功以明先王之迹臣之上計也離毀辱之誹謗墮先王之名臣之所大恐也臨不測之罪以幸爲利義之所不敢出也臣聞古之君子交絕不出惡聲忠臣去國不潔其名臣雖不佞數奉教於君子矣恐侍御者之親左右之說不察疏遠之行故敢獻書以聞惟君王之留意焉

【註】

樂毅

戰國中山人樂羊之後燕昭王禮爲亞卿以其攻齊入臨菑下七十餘城封昌國君昭王卒惠王疑之遂降趙趙封爲望諸君惠王悔乃以其

趙問爲客卿後卒於趙餘見原註恐傷先王之明以戰國策作恐明蓋指昭王罪

而言此本數之以罪王惠王讓書曰先王舉動寡人豈敢將軍爲燕破齊報先

哉會先王棄羣臣寡人新卽位左右誤寡人寡人之使騎劫代將軍爲將軍久暴露於外故召將軍且休計事將軍過聽以與寡人有隙遂捐燕而歸趙

將軍自爲計則可矣而亦何以報先王侍御故稱侍御猶通言左右執事也

畜幸

畜養也幸親愛之意

假節於魏

昭王諸國不輕通道出關則以節傳之殺爲魏開

於賓客中。亞卿次位也。次在大卿大夫上。最勝遺事自田氏得國。奕世富強。占勝利。故云然。淮北淮水以東北。今

寧臺燕臺名。在宮中。國策此句。大呂鐘名。元英燕宮殿名。故鼎本燕鼎。前輪於齊。國策

歸燕故鼎今反。磨室按今本史記作磨室。磨字也。磨古者送葬執紼者。書名於版。國策

見周禮。薊邱燕所都。地。今北京薊縣。汶篁汶水名。今山東汶上縣。屬齊地。篁。五伯。齊桓

地官。禮。薊邱燕所都。地。今北京薊縣。汶篁汶水名。今山東汶上縣。屬齊地。篁。五伯。齊桓

秦穆楚慊快也。萬乘戰國時七雄皆僭帝制。八百歲。通太公封營邱而數庶

孽謂宗室。萌隸萌同氓。隸役也。伍子胥名員。本楚大夫。楚平王信。闔閭。吳之闔閭。即

楚子胥計伐郢都。江陵縣。今湖北。夫差闔閭也。鷗夷革蠶也。入江而不化言子胥怨夫差

而志猶離遭也。以幸爲利謂乘燕之敗。數期。歷也。

范睢獻秦昭王書

睢得罪於魏。秦王稽使魏。私載之以歸。薦之昭王。王未及用。睢上此書。秦卒以睢爲相。封爲應侯。

臣聞明主泄政。有聞者不得不賞。有能者不得不官。勞大者其祿厚。功多者其爵尊。能治衆者其官大。故無能者不敢當職焉。有能者亦不得蔽隱。使以臣之言爲

可。願行而益利其道。以臣之言爲不可。久留臣無爲也。語曰。庸主賞所愛而罰所惡。明主則不然。賞必加於有功。而刑必斷於有罪。今臣之胸不足以當樞質。而要不足以待斧鉞。豈敢以疑事嘗試於王哉。雖以臣爲賤人而輕辱。獨不重任臣者之無反復於王邪。且臣聞周有砥礪。宋有結綠。梁有縣藜。楚有和璞。此四寶者。土之所生。良工之所失也。而爲天下名器。然則聖王之所棄者。獨不足以厚國家乎。臣聞善厚家者。取之於國。善厚國者。取之於諸侯。天下有明主。則諸侯不得擅厚者何也。爲其割榮也。良醫知病人之死生。而聖主明於成敗之事。利則行之。害則舍之。疑則少嘗之。雖舜禹復生。弗能改已。語之至者。臣不敢載之於書。其淺者。又不足聽也。意者臣愚而不概於王心邪。亡其言臣者賤而不可用乎。自非然者。臣願得少賜游觀之間。望見顏色。一語無效。請伏斧質。

【註】

范睢

魏人字叔初。副須賈使齊。襄王賜金及牛酒。須賈疑其以國情告齊。反以告相魏齊。齊笞擊睢。折脅。捫齒。佯死得出。入秦。易姓名曰張祿。說昭

王相

秦也。臨。樞質。行利用。斧也。玉篇云。鐵。要。同。腰。砥礪。玉名。音險。結綠。縣藜。皆美

文選。碎結綠之鳴。和璞。楚和氏璧。連城之寶。割榮。猶言擅權。謂分割戰國

闕。謂闕涉於王心也。概闕聲轉亡猶母耳。云其

魯仲連遺燕將書

燕伐齊、攻聊城拔之、或譖之燕王、燕將保聊城不敢歸、齊攻之不下、魯仲連遺以書、燕將得之、泣三日、遂自殺、齊因拔聊城。

吾聞之。智者不倍時而棄利。勇士不卻死而滅名。忠臣不先身而後君。今公行一朝之忿。不顧燕王之無臣。非忠也。殺身亡聊城。而威不信於齊。非勇也。功敗名滅。後世無稱焉。非智也。三者世主不臣。說士不載。故智者不再計。勇士不怯死。今死生榮辱。貴賤尊卑。此時不再至。願公詳計。而無與俗同。且楚攻齊之南陽。魏攻平陸。而齊無南面之心。以爲亡南陽之害小。不如得濟北之利大。故定計審處之。今秦人下兵。魏不敢東面。衡秦之勢成。楚國之形危。齊棄南陽。斷右壤。定濟北。計猶且爲之也。且夫齊之必決於聊城。公勿再計。今楚魏交退於齊。而燕救不至。以全齊之兵。無天下之規。與聊城共據期年之敝。則臣見公之不能得也。且燕國大亂。